



Inatsisartunut ilaasortaq
Anna Wangenheim
Demokraatit

23-09-2022
Sags nr.2022-17706
Akt nr. 21183651

§ 37 naapertorlugu apeqqummut nr. 175-2022-mut akissuteqaat

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Asasara Anna Wangenheim

Inatsisartut suleriaasianni § 37 imm. 1 naapertorlugu Naalakkersuisunut apeqquteqarsimavutit. Naalakkersuisut apeqqutinut qujapput, taakku ataani uteqqinneqarlutillu akineqassapput.

1. Ernisarfik immikkoortortaqrifiup Kujalleq sulilersitsiniaanerminni ajornartorsiungaatsiarnera qaqugukkut Naalakkersuisut ilisimalerpaat?

Aasaq manna Peqqinnissaqarfimmi sulisussaqaarniarneq assut unammillernartorsiorfiuvoq, nunami tamarmi peqqissaanermik sulisussanik sulilersitsiniaaneq immikkut illuinnartumik ajornakusoorsimammat. Juunimi Naalakkersuisunit Ilaqutariinnermut Peqqissutsimullu Ataatsimiititaliamut ilisimatitsissummik nassiussivugut, tamatumalu kingorna tusagassiorfinnut nalunaaruteqarluta, tassani aasaanerani sulisussaqaarniarnermi pissutsit kiisalu tamatuma kingunerisinnaasai ilisimatitsissutigaagut.

Juunimi tusagassiorfinnut nalunaarummi nassuiarneqarpoq, Peqqinnissaqarfimmi piffissap ilaani peqqissaanermi sullissinermi tulluarsaasoqartarsinnaasasoq. Peqqinnissaqarfik maanna ima inissisimavoq, immikkoortortaqarfik Kujataani ernisussat Nuummi Dronning Ingridip Napparsimavissuanut nuunneqartariaqarlutik. Naak siammasissumik sulilersitsiniarluni iliuseqartoqarsimagaluartoq Qaqortumi Qitiusumik Napparsimmavimmi ernisussiornermut piareersimasut ingerlatiinnarnissaat periarfissaasimangimmanner, tamanna pissutaavoq. Tamatuma kinguneraa Kujataani Immikkoortortaqarfimmi arnat piffissami agusti 2022-mit januaari 2023-mut ernisussat, Nuummi Dronning Ingridip Napparsimavissuani erninissamut neqeroorfigineqassasut. Ernisussat katillugit arfineq-marluk pineqarput.

2. Ernisarfik immikkoortortaqarfik Kujalleq matuneqarnissaa qanga aalajangerneqarpa?

a. Aalajangiineq kiap tiguaa?

i. Politikikkut aalajangigaava?

ii. Immikkoortortaqarfimmi nakorsiartarfiup aalajangigarivaa?

iii. Peqqinnissaqarfiup aqutsisoqarfiata aalajangigarivaa?

Peqqinnissaqarfimmi ernisarfiuniaraanni¹ pilattaanermi piareersimasoqarnissaa piunasaqaataavoq. Pilattaanermi piareersimasut qulakkiissavaat ernisarfimmi, pilatsinnikkut erninernik, aanaarluni ilakutaqalernerit kiisalu inoorlaami anaanaasumilu pissutsit naatsorsuutigisinnaangisat isumaginissaannut periarfissaqarneq. Aggusti 2022-p naajartulernerata tungaanut sulisussarsiorneq annertoq pigluartoq, ajoraluartumik piffissami januaari 2023-p tungaanuugallartoq Kujataani Immikkoortortaqarfik nakorsanik qulaani taaneqartunik pilattaanermik piginnaasaqartunik misilittagaqartunillu sulilersitsinissaq periarfissaasimangilaq.

Meeqqanut, Inuusuttunut, Ilaqutariinnut Peqqissutsimullu Naalackersuisoq peqqissutsimut suliassaqarfimmut akisussaasuvoq, matuma ataani peqqinnissaqarfiup aqunneqarneranut aqqissuussaananerunullu, ilanngullugu kaajallaasitaq nr. 3 1. junimeersumut Suliassaqarfiit ataanni allaffissornikkut agguaanermut innersuussisoqarpoq².

3. Ernisarfiup immikkoortortaqarfia matuneqarnissaa pillugu Naalackersuisut qanoq ilisimatinneqarpat?

Peqqissutsimut Naalackersuisoq aasap ingerlanerani Peqqinnissaqarfimmi sulisoqarniarnikkut pissutsit pillugit allakkatigut oqaatsitigullu Peqqissutsimut Naalackersuisoqarfiup, Nunatta Nakorsaaneqarfiata aamma Peqqinnissaqarfiup ataatsimeeqatigisarnerisigut ingerlaavartumik ilisimatinneqartarpoq.

4. Suna peqquataalluni ernisarfittut immikkoortortaqarfiup matuneqarnissaa pillugu aalajangersimanermik Ilaqutariinnermut Peqqinnissamullu ataatsimiititaliaq ilisimatinneqanngila?

Ulloq 30. august 2022 Ilaqutariinnermut Peqqissutsimullu Ataatsimiititaliamut, Kujataani Immikkoortortaqarfik pilataanikkut ernisitsisartunik piareersimasunik amigaateqartoqarnera pillugu ilisimatitsissummik nassiussisoqarsimaneramik ilisimatitsissutigineqarsinnaavoq. Ilisimatitsissummi allassimavoq Kujataani Immikkoortortaqarfik arnat piffissami aggusti 2022-mit januaari 2023-mut erninissamut killeqartut, Nuummi Dronning Ingridip Napparsimavissuani erninissamut neqeroorfigineqassasut.

5. Ernisarfittut immikkoortortaqarfiup matuneqarnissaa pillugu suna pequtugalugu sulisorineqartut ilisimatinneqarsimangillat?

Kujataani Immikkoortortaqarfik pisoq qanoq pitsaanerpaamik isumagineqarsinnaanera pillugu oqallinnerni tamani peqqissaanikkut aqutsisut arlallit (nakorsat immikkut ilisimasallit, peqqissaasut aamma ernisussiorlut) peqataatinneqarnikuupput. Politikikkut oqallinnerit naammassimmata, Peqqinnissaqarfiup aamma Peqqissutsimut

¹ Kalaallit Nunaanni Peqqinnissaqarfimmi ernisarfimmi pilattaasarnermi piareersimasut tassaapput nakorsaq pilattaasarnermik piginnaasaqartoq, nakorsaq imaluunniit peqqissaasoq sinitsitsinnaanermik piginnaasaqartoq, bioanalytikeri kiisalu ernisussiorloq. Pilattaasarnermi piareersimasut qulakkiissavaat, ernisarfimmi pilattaalluni ernisitsineq, aanaarluni ilakutaqalernerit kiisalu inoorlaami pissutsit naatsorsuutiginnngisat isumaginissaat periarfissaasasoq.

² https://naalackersuisut.gl/kundgoerelser?sc_lang=da
https://naalackersuisut.gl/kundgoerelser/2022?sc_lang=kl-gl

Naalackersuisoqarfiup Qaqortumi ernisarnerit unitsikkallarnejarnerat pillugu sulisunut nalunaarutiginninnissaq naammaginnartumik ataqatigiissaanngilaat. Peqqinnissaqarfimmi aqutsisut Qaqortumi sulisunut tamanna oqaloqatiginnissutiginnikuuaat ajuusaarutigalugulu.

6. Qaqortumi ernisarfittut immikkoortorta qamaqqinnissaa qulakkeerniarlugu Naalackersuisut qanoq pilersaaruteqarpat?

Ukiumi nutaami Qaqortumi pilattaanermut piareersimasunik pilersitsisoqaaqqissinnaassasoq naatsorsuutigineqarpoq, maannakkulli sulisoqarniarnermi pissutsini aamma pilersaarutini allanngortoqarsinnaanera tamatumani eqqumaffigineqassaaq.

7. Aasianni ernisarfittut immikkoortorta qamaqqinnissaa qulakkeerniarlugu Naalackersuisut qanoq pilersaaruteqarpat?

Naalackersuisut naatsorsuutigaat Peqqinnissaqarfiup Aasianni ernisitsisarnermut piareersimasunik pisariaqartunik pilersitsinissaq sulissutiginnassagaat. Piffissami utaqqiisaasumi ernisussat qitiusumik napparsimmaveqarfimmut, Peqqinnissaqarfiup ernisarfiunissaanut malittarisassanik eqqortitsisumut innersuunneqartassapput.

8. Aasianni ernisarfittut immikkoortorta qamaqqinnissaa pillugu pilersaarutissap ukioq ataaseq sinnerlugu matuma siorna misissuineq aallartinneqarsimasoq qaqugu Naalackersuisut paasissutissiiniarpat?

Nuna tamakkerlugu ernisitsisarnermik misissuineq aallartinneqarpoq. Tassa imaappoq, misissuineri ernisarfik Immikkoortorta qarfik Disko kisimi misissorneqanngimmat. Naalackersuisut misissuineri inernerusut 2023-mi saqqummiutissavaat. Misissuineri ukkatarineqarput ernisitsisarnermut ilaqutariit kiisalu suliamik suliaqartut isiginnittariaasiat kiisalu ernisitsisarnermik eqiterinerup kingunerisai. Misissuineri pinnaasut kiisalu ineriartorfiusinnaasut arlallit saqqummiunneqassapput, taakku ernisitsisarnermik siunissami pilersaarusiortarnermik kiisalu aaqqissuussisarnermik suliaqarnermut tapertaassapput, kiisalu siunissami ernisitsisarneq qanoq aaqqissuunneqassanersoq pillugu politikkikkut oqallinnermut tunngaviliissalluni.

9. Kalaallit Nunaanni naartusunik nakkutiginninnermut Naalackersuisut qanoq anguniagaqarpat?

Ukiut 20-t kingulliit ingerlanerini Peqqinnissaqarfiup naartusunik nakkutiginninnerup aaqqissuunneqarnissaa ingerlaavartumik ukkataraa. Naartusup naartunermini peqqissaanermik suliaqartumik piukkunnaateqartumik qanoq takuneqakulatiginissaanut kiisalu misissuinerit suut ingerlanneqarnissaanut malittarisassanik ersarissunik peqarpoq. Tamatumani saniatigut ilaqutariinnut neqeroorutinik ineriartortitsisoqarnikuuvoq, taakku meeqqallu aallartilluarnissaat qulakkeerniarlugu ass. MANU aamma Siusinaartumik Iliuseqarneq.

Apeqquut 8-mut akissutit ilanngullugit takukkit.

10. Peqqinnissaqarfimmi nutserisarneq pillugu inissisimaneq Naalackersuisut redegøre ersarissarsinnaanerlunikku?

a. Qaammammusiaqarlutik qassit sulippat?

Sulisut ilaat oqaluttaanermik annertuumik suliaqartut SIK-p oqalutsinut isumaqatigiissutaanit allaanerusunit atorfeqartinneqarnerat pissutigalugu oqalutsit qassit Peqqinnissaqarfimmi atorfeqarnersut eqqortumik naatsorsoqqissaarnissaat periarfissaanngilaq. SIK-p oqalutsinut isumaqatigiissutaata ataani oqalutsit qaammammusiiallit 31-t atorfeqarnerat paasissutissiissutigineqarsinnaavoq.

b. Akunnermut akissarsiaqarlutik qassit sulippat?

SIK-p oqalutsinut isumaqatigiissutaata ataani oqalutsit tiimimusiallit pingasut atorfeqarput.

c. Qassit nutserinermut ilinniarsimappat qassillu ilinniarsimangillat?

01.12.2020-mi immikkoortortaqaarfiit kiisalu Dronning Ingridip Napparsimavissuaniittut ilisimatitsissutigaat, sulisut 63-t pingaarnertut oqalutsit atorfeqartut. Taakkunannga 8-t oqalutsit ilinniagaqarsimasuupput. Oqalutsit sinneri ilinniagaqarsimasuunngillat imaluunniit allatut ilinniagaqarsimasuupput ass. allaffimmiutut ilinniagaqarsimasut. Piffissaliussap iluani qassit ilinniagaqarsimanginnerisut pillugit kisitsisinik nutaajunerisunik pissarsinissaq imaluunniit naatsorsuinissaq periarfissaanngilaq, tamanna nammineeirluni kisitsinikkut pisussaammat.

d. Peqqinnissaqarfimmi nutserisarnikkut pisariaqartitsineq ukiut uku ingerlaneranni qaffakkiartornersoq Naalackersuisut ilisimatitsisinnaanerlutik:

i. Ukiut marluk matuma siorna?

ii. Ukiut tallimat matuma siorna?

iii. Ukiut qulit matuma siorna?

Peqqinnissaqarfik oqaloqatigiinnerit oqalutsimik atuiffiusut amerlassusaat pillugu kisitsisinik paasissutissanik katersineq ajorpoq. Peqqinnissaqarfiulli misigaa kalaallisut sullinneqarnissamat piumasaqarneq annertusiartortoq. Tamanna innuttaasut namminneq oqaaserisatik atorlugit sullinneqarnissamik piumasaqarnerannik kiisalu piffissami pineqartumi sulisut danskit aamma kalaallit amerlassusaat apeqqutaallutik pivoq. Tamanna peqqissaavinni kiisalu immikkoortortani ataasiakkaani sulisut apeqqutaatillugit ukiup qanoq ilinerani nikerarsinnaavoq. Piffissani sulisut qallunaatut oqaluttut amerlaneruffianni oqalutsimik pisariaqartitsineq nalinginnaasumik qaffasinnerusarpoq, killormullu.


11. Peqqinnissaqarfik tamakkerlugu sulilersitsiniaasarnerup ajornartorsiutaanerata aqqani taartaagallartunut aningaasartuutit qaffariaateqarnerisa qanoq annertutiginerinut Naalackersuisut naatsorsuuteqarnerlutik?

Ukiup sinneranut taartaagallartartunut aningaasartuutit naatsorsornissaat periarfissaanngilaq, tamanna qularnartorpassuarnik imaqarmat. Iisimatitsissutigineqarsinnaavorli, piffissami 01.01.2022 – 31.08.2022-mut taartaasarfinnit sulisunut aningaasartuutit 23.029.745 kr.-it atorneqarsimmata. Piffissami tassani 2021-mi kisitsisit 15.727.268 kr.-iupput.

12. Naalackersuisut pineqartumut allanik paasissutissiisinnaanerlutik?

Naalackersuisut maannakkuugallartoq allanik paasissutissiissutissaqanngillat.

Inussiarnersumik inuulluaqqusillunga
Med venlig hilsen



Mimi Karlsen